



TASAWWUF AHL AL-SUNNAH WA AL-JAMAAH

Oleh:

*Prof. Madya Dr Muhammad Khairi Mahyuddin
Dr Ahmad Najaa Mokhtar
Dr Roslizawati Ramly
Dr Roslee Ahmad

Fakulti Kepimpinan & Pengurusan
Universiti Sains Islam Malaysia
Email: muhdkhairi@usim.edu.my

Received 23 October; Accepted 29 November 2019
Available online 22 December 2019

ABSTRACT

Tasawwuf is a knowledge that always misunderstood by society. There is a negative meaning and terminology regarding tasawwuf as a knoweledge that absorbed from other religion and deviant teaching. This writing is anrratif and discriptif elobaraltion deducted from Islamic literature. The finding of this writing faind out that tasawuf is s true knowledge based on Al-Qur'an and al Sunnah dan acceptable by scholars from Ahl al-sunnah wa al-Jama'ah

Keyword: Tasawwuf, ahl al-sunnah wa al-jamaah

Pendahuluan

Ilmu tasawwuf merupakan suatu ilmu yang sering menjadi perbincangan yang panjang samaada ada dari segi terminologi dan maknanya. Makna dan penghayatan tasawwuf dilihat dengan pelbagai kacamata. Terdapat pandangan negatif bahawa tasawwuf adalah ilmu bukan berasal dari ajaran Islam. Ia diveduk daripada ajaran agama lain seperti Kristian, Buddha, Hindu dan falsafah. Malah lebih teruk lagi, tasawwuf dikaitkan dengan ilmu kebatinan tanpa syariat dan ajaran sesat. Ada yang melihat tasawwuf sebuah ilmu yang terpisah dari perbincangan ilmu-ilmu Islam lain seperti tawhid dan feqah. Pencerahan pandangan mengenai tasawwuf perlu diperbetulkan dengan perspektif sebenar yang berpaksi huraian mazhab ahli Sunnah wal-jamaah.

Perkataan tasawwuf merupakan satu ilmu yang berasal dari ajaran Islam. Meskipun terminologi tasawwuf tidak disebut dalam Al-Qur'an tetapi dari segi kandungan amalannya memang wujud dalam Al-Qur'an dan Sunnah. Bahkan perkataan tasawwuf turut digunakan oleh kebanyakan ulama sebagai satu tradisi ilmu yang sah dari Islam dan dihuraikan dengan pelbagai istilah lain seperti *ilm al-haqiqah*, *ilm al-suluk*, *ilm al-qalb ilmu batin*, *ilm al-dhawq*, *ilm al-ladunni*, *ilm al-kashaf*, *ilm al-ma'rifat*, *ilm al-mukashafah*, *ilm al-asrar*, *ilm al-maknun* dan lain-lain lagi.

Diantara kitab-kitab yang membicarakan ilmu tasawwuf Islam seperti *al-ri'ayah fi huquq Allah* oleh Abu Abdullah Harith bin Asad al-Basri (w 857), *Qut al-qulub fi mu'amalat al-mahbub wa wasf tariq al-murid ila maqam al-tawhid* oleh Abu Talib al-Makki, Muhammad ibn 'Ali (w 996), *al-Luma' fi al-tasawwuf* oleh Abu Nasr Abdullah bin Ali al-Tusi (w988) *Risalah al-Qushayriyyah* oleh Abd al-Karim ibn Huzan Abu al-Qāsim al-Qushayri al-Naysaburi (w 1072) , *Ihya 'ulum al- din* oleh Abu Hamid Muhammad b Muhammad al-Ghazzali (w1111) *Futuh al-Makiyyah fi ma'rifah al-Malikiyyah wa al-Malakiyyah* oleh Abu 'Abd Allah Muhammad ibn 'Ali ibn Muhammad ibn 'Arabī al-Ḥatimi al-Ta'i (w1240), *Majmu' al-fatawa* oleh Taqi ad-Din Ahmad ibn Taymiyyah (w 1328) *Madarij al-salikin* oleh Shams al-Din Abu 'Abd Allah Muhammad ibn Abi Bakr ibn Ayyub al-Zur'i l-Dimashqi l-Hanbalī (w1350)

Sebenarnya tasawwuf merupakan salah satu istilah dan cabang ilmu yang mengguraikan kandungan shariat Islam dari umum (*ijmal*) kepada detail (*tafsil*). Dan mempunyai kaitan dan tujuan sama dengan ilmu *tawhid* dan *feqah*. Sebagai contoh ilmu tawhid juga dikenali dengan ilmu ma'rifah iaitu mengenal Allah dengan jalan idrak dalam hati kepada kewujudan Allah Yang Esa dan sentiasa menghadirkan hati ingat kepadaNya

Jurnal Ushuluddin Adab dan Dakwah.(2019) Vol. 2 (2), 159 - 169

Manakala ilmu feqah pula ialah mengenai hukum akam dan acara melaksanakan ibadah kepada Allah dengan hati yang selalu hadir kepada Keesaanya. Begitu juga ilmu tasawwuf, satu ilmu membicara cara menyucikan hati dari sifat mazmumah dan menghiasai degan sifat mahmudah dengan sentiasa melazimkan hati mengadap Allah tanpa lalai kepadaNya. Manakala tariqah sufiyyah pula ialah ilmu dan amal dibawah bimbangan guru melalui menjalani *tabiyyah*, *mujahadah* dan *riyadah* shariah Islam untuk mendapatkan *nisbah hudur* kepada Allah dan berakhlak mahmudah (Wan Sulaiman 1335)

Secara mudah dirumuskan bahawa ilmu tawhid, ilmu feqh, ilmu tasawwuf dan tariqah sufiyyah dari segi kandungan amalan adalah satu dan merupakan shariat Islam. Istilah-istilah yang dibina hannya sebagai wasilah untuk menghuraikan intipati ajaran Islam dari umum (*ijmal*) kepada detail (*tafsil*) bagi memudah ummat Islam memahminya dengan jalan yang komprehensif. Kesepaduan ilmu tawhid, feqah, tasawwuf dan tariqah sufiyyah sebagai ilmu dan amal yang bersepadu dan tidak terpisah telah dibuktikan oleh Abu Hamid Muhammad b Muhammad al-Ghazzali dalam *Ihya Ulum al-Din*. Malah ada yang telah menguraikan tawhid dan feqah menurut manhaj tasawwuf seperti *Futuh al-Makiyyah fi ma'rifah al-malikiyyah wa al-Malakiyyah* oleh Abu 'Abd Allah Muhammad ibn 'Ali ibn Muhammad ibn 'Arabī al-Ḥatimi al-Ta'ī (w1240) dan Abd al-Wahab al-Sha'rani (w1566) dalam *al-Yawaqit wa al-Jawahir fi bayan Aqid al-Akabar* dan *al-Mizan al-Kubra*.

Manhaj Sufi dalam memahami kandungan ajaran Islam pula di terima sebagai manhaj muktabar dalam Ahli sunnha wa al-jmmah seperti yang diperakui oleh Abd al-Wahhab b. Ali al-Subki's (d.771H/1370M). Beliau juga mengiktiraf manhaj Sufi dalam akidah sebagai manhaj ahli Sunnah wal-jamaah dalam Islam melalui pengaplikasian aqal, wahyu dan kashaf dalam memahami dan memperkukuhkan akidah (al-Zubaydi t.t)

Hubungan dan peranan tariqah sufiyyah

Perkataan tariqah diambil daripada kalimah Arab '*taraqa*'. Kata nama mufradnya ialah *tariqatan* atau *tariqah*, manakala kata jamaknya ialah *turuq* dan *tara'iq*. Ia mempunyai beberapa bentuk dan wazan yang boleh membawa kepada pengertian yang luas. Secara literalnya, ia memberikan beberapa makna iaitu, jalan, cara, metod, sistem, aliran, haluan, tempat lalu, ketua kaum mulia, goresan, garis, hal, perjalanan taifah sufiyyah, tingkatan, tradisi, kebiasaan (al-Mu'jam al-Wasid t.t).

Secara umumnya walaupun terdapat pelbagai makna tariqah tetapi apabila ia dikaitkan dengan ilmu tasawwuf, ia membawa makna yang lebih khusus iaitu pengamalan dan jalan rohani yang memerlukan kepimpinan shaykh murshid, mujahadah dan riyadah yang

bersungguh sungguh. Ia merupakan medium untuk merealisasikan pengertian dan matlamat tasawwuf, feqah dan akidah juga dari segi istilah, berapa definasi telah diberikan oleh para ulama' tasawwuf berdasarkan kefahaman mereka daripada pelbagai sudut pehenomena amalan tariqah. Contohnya Ali ibn Mohammad al-Jurjani (w1414) tariqah ialah perjalanan khusus bagi orang-orang yang menuju kepada Allah dengan mengharungi pelbagai rintangan dan peningkatan rohani dalam pelbagai maqam. Syaikh Muhammad Amin al-Kurdi (w1923), tariqah ialah pengamalan yang selari dengan Shariat, berpegang dengan azimah dan menjauhi sifat mengambil mudah (*tasahul*) dalam beramal seperti menjauhi segala perkara yang dilarang secara zahir dan batin, menjunjung segala perintah dengan kemampuan yang ada atau menjauhi perkara yang diharam, dan dibenci, berlebihan dalam perkara mubah (harus), menunaikan segala kewajipan dan sunat-sunat dengan segala kemampuan dibawah bimbingan seorang Arif yang telah mencapai peringkat rohani yang tinggi (al-Jurjani 1985; al-Kurdi 1984)

Abdul Wahab al-Sharani mendefinisikan tariqah sebagai jalan untuk beramal dengan kandungan shariat. Ia adalah intipati tersembunyi dalam shariat seumpama pati dalam susu. Shaikh Islam Negeri Kedah Wan Sulaiman Wan Sidek (w1935), mendefinisikan tariqah sebagai pengamalan dan Ibadah yang selari dengan Shari'ah yang suci. Imran Abu Amar Jalan atau pertunjuk dalam melaksanakan sesuatu Ibadah sesuai dengan ajaran yang dibawa oleh Rasulullah SAW dan yang dicontohi Baginda serta dikerjakan oleh para sahabatnya, Tabi'in, Tabi Tabi'in dan tersusun turun temurun sampai kepada guru-guru, ulama-ulama secara bersambung dan berantai sehingga pada masa kita ini (al-Sha'rani t.t ; Wan Sulaiman 1352H ; Aba Imran 1980).

Berdasarkan beberapa makna tariqah dari segi bahasa dan istilahnya, maka dapat disimpulkan dalam konteks sekarang bahawa tariqah sufi boleh didefinisikan secara spesifik iaitu jalan pengamalan dan pengibadatan secara khusus yang mempunyai kaifiyyat-kaifiyyat, adab-adab, rukun-rukun dan syarat-syarat tertentu secara tersusun digali dari sumber Al-Qur'an dan al-Sunnah, yang dibimbing oleh Shaykh Murabbi Murshid yang bersambung salur galur silsilah perguruannya sampai kepada Rasulullah SAW kerana ia melibatkan penyucian hati, pengalaman, rintangan, peningkatan dan limpahan rohani bagi menyempurnakan segala titah perintah agama Islam secara menyeluruh zahir dan batin untuk mencapai rasa sebenar perhambaan diri kepada Allah dan menjadi sebenar-benar Khalifah-Nya.

Untuk mengetahui kewujudan amalan tariqah sehingga terbentuknya institusi tariqah secara formal, sejarah tariqah boleh dibahagikan kepada dua peringkat: Pra sebelum kedatangan Nabi Muhammad SAW, semasa kedatangan Baginda SAW dan selepasnya.

Pra Sebelum kedatangan Nabi Muhammad SAW

Dari sudut amalan tareqat, jika diselami keterangan daripada Al-Qur'an dan al-Hadis, didapati beberapa amalan tariqah telah wujud semenjak manusia berada di alam arwah lagi (al-A'raf :172)

Diantara amalan tariqah yang mula-mula diamalkan ialah bertawbah (al-Baqarah: 37). Ia telah diamalkan oleh Nabi Adam A.S lagi. Tawbat pula ialah amalan tariqah yang diamalkan untuk kembali kepada Allah oleh orang-orang Sufi dan dibahas secara mendalam dalam kitab-kitab sufi.

Amalan berzikir seperti *La ila illah* (al-Baqarah 132-133) telah diamalkan oleh Rasul-Rasul terdahulu seperti Nabi Nuh, Nabi Ibrahim AS dan Nabi-Nabi yang lain. Malah, kalimah yang mulia itu telah dipesan oleh para Nabi kepada setiap umat mereka untuk diamalkan dengan hati yang ikhlas dan penuh keimanan.

Seterusnya amalan-amalan tariqah seperti berzikir, berkhulwah, muraqabah, harap, takut, bermunajat, zuhud, merendah diri, membaca kitab-kitab Allah secara tadabbur dan mengamalkannya dan lain-lain lagi telah dilakukan oleh para Nabi dahulu seperti Nabi Zakaria dan Nabi Musa A.S . Begitu juga pengikut-pengikut Nabi Musa dan Nabi Isa A.S, mereka yang dikenali sebagai al-Rabbaniyyin, al-Ahbar. Al-Qissisin , al-Rahban dan al-Hawariyyin. Dalam Al-Qur'an Allah Taala telah merakamkan hal ehwal dan amalan ummat-umat terdahulu yang mempunyai ciri-ciri amalan tariqah (al-Maidah 82-84; al Imran 52)

Di zaman Nabi Muhammad SAW dan Para Sahabat RA.

Di zaman Nabi Muhammad SAW amalan tariqah diteruskan oleh Nabi sendiri dengan berkhulwah di gua Hira untuk berzikir dan muraqabah. Walaupun telah terdapat istilah ahli al-sufah disebut di zaman Nabi sebagai golongan ahli Ibadah, tetapi mereka lebih dikenali dengan istilah sahabat. Keistimewaan mereka ialah mereka dapat melihat dan melazimi Baginda SAW dengan mempunyai hati yang bersih dalam beribadah dan mencontohi Baginda SAW dalam segenap aspek kehidupan mereka.

Amalan tariqah di zaman Nabi SAW dikenali sebagai Ihsan berdasarkan hadis Jibril yang menyentuh persoalan Iman, Islam dan Ihsan. Bahkan, Ihsanlah yang menjadi amalan yang menyempurnakan kedua-dua aspek tersebut. Ihsan ialah maqam ubudiah yang tinggi dan bersih dari segala unsur kesyirikan kepada Allah. Ihsan ialah intipati agama Islam yang

sendinya akidah Islamiyyah sahifah dan pengamalan shariat yang benar. Tanpa kedua-dua unsur ini Ihsan tidak dapat dihayati.

Amalan zikir mula diajar oleh nabi SAW kepada para sahabat seperti yang dilakukan oleh Saidina Abu Bakr al-Siddiq ‘Abdallah bin Abi Quhafah (w 634) dan Saidina Ali bin Abi Talib (w 661). Kedua-dua tokoh sahabat tersebut merupakan sumber aliran sanad tariqah yang diambil dan ditalqin oleh Rasulullah SAW. Contohnya Rasulullah SAW telah mentalqinkan Abu Bakar al-Siddiq berzikir *Ism Allah* dengan secara sirr di dalam hati sehinggalah kalimah Allah sentiasa berdetik didalam hati mengikut pergerakan peredaran nafas atau terhentinya nafas seperti yang telah diamalkan oleh tariqat Naqshabandi. Begitu juga dengan Saidina Ali bin Abi Talib telah mentalqinkan hasan al-Basri dan tokoh tokoh selepasnya seperti Habib ibn Muhammad al-‘Ajami al-Basri (w 772), Abu Sulaiman Dawud ibn Nasir al-Ta’I (w. 781), dan Abu Mahfuz Ma’ruf Ibn Firuz al-Karkhi (w815) (Qaylubi 2002; al-Sha’rani t.t).

Keistimewaan shariat Nabi Muhammad SAW ialah semua juzuk amalan tariqah sejak zaman Nabi Adam dan Nabi –Nabi yang lain telah terhimpun lengkap, menyeluruh dan sempurna di zaman Baginda SAW. Sebenarnya amalan para Nabi SA terdahulu dikira sebagai shari’at Nabi Muhammad SAW juga selagimana tidak dinasakhkan oleh wahyu ilahi di zaman Nabi SAW. Hal ini kerana para Nabi SA terdahulu merupakan *nawwab* atau duta Nabi Muhammad SAW dalam menyebarkan shariat Islam sebelum Baginda SAW dilahirkan dimuka bumi ini sebagai Rasul terakhir dan penutup segala shariat al-Nubhani 2005).

Zaman selepas kewafatan Baginda

Pada zaman Sahabat dan Tabiin di kurun kedua Hijrah, aktiviti penyampaian secara lisan dan perbuatan adalah tradisi asal pembelajaran dalam Islam. Ia dilakukan supaya amalan tariqah dapat difahami dengan lebih jelas dan terperinci serta sebarang kesulitan dapat dirungkaikan. Kaedah tersebut penting kerana ia dapat memantapkan kefahaman dan menjalinkan hubungan kerohanian serta mendapat curahan limpahan berkat dari para guru kepada murid

Di akhir kurun ke 3 hijrah/11 Masihi, amalan-amalan tariqah telah mula dirintis oleh beberapa tokoh ulama’ dan disusun menjadi menjadi satu sistem atau aliran pengamalan dan latihan rohani seperti Al-Muhasibiyah dinisbahkan kepada Abu Abdullah al-Harith bi Asad al Muhasibi, al-Tayfuriyyah dinisbahkan kepada Abu Yazid Tayfur bin Isa al-Bistami (Jahid Sidek. 1997).

Pengertian tariqah dan amalannya mula diperhalusi oleh para ulama Islam dari zaman ke zaman. Walaubagimanapun istilah tariqah juga telah wujud di zaman Baginda SAW dan para sahabat RA tetapi membawa pelbagai pengertian yang luas samada secara hakiki atau kiasan (majazi) yang sesuai dengan kontek dan ibarat yang digunakan untuk menunjukkan makna yang tertentu. Justeru itu, telah menjadi sunnat Allah melalui perubahan masa, zaman, pemikiran, pengalaman dan keperluan, para ulama yang terdiri daripada para Tabiin dan Tabi al-Tabiin dan golongan ulama' selepas mereka telah mula mengumpul amalan-amalan tariqah secara tersusun, dihuraikan dan diperhalusi dengan baik dalam dokumnetsi kitab kitab seperti *al-Ri'ayah fi huquq Allah* Abu Harith al Muhasibi dan lain-lain lagi (Jahid Sidek. 1997).

Pada kurun ke 5 dan selepasnya, aliran-aliran tariqah telah tumbuh dan diperkembangkan lagi menjadi sebuah institusi rohani yang tersusun dan sistematik dengan pelbagai nisbah berdasarkan nama dan pengalaman rohani ulama yang menyusunnya dengan gaya perlaksannanya berbeza-beza tetapi mempunyai matlamat yang sama seperti Tariqah Qadariyyah, Shaziliyyah, Naqshabandiyyah dan lain lain.

Tidak syak lagi, jika dihalusi fakta dalam Al-Qur'an dan al-Hadis serta sejarah tokoh-tokoh Islam mengenai kesahihan amalan tariqah, maka didapati kesemua amalan tersebut disauk dari kedua-dua sumber tersebut. Bukan direka atau sengaja diada-adakan oleh para ulama tariqah. Penolakkan terhadap istilah tariqah tidak mengapa tetapi pengingkaran terhadap amalan-amalan tariqah yang telah pasti, sabit dan sahih dari sumber wahyu adalah sangat merbahaya kerana ia boleh merosakkan iman tanpa disedari. Hal ini telah disebut oleh Shaikh Abdul Wahab al-Sharani bahawa pengingkaran amalan Sufi yang benar bersumberkan Al-Qur'an dan al-sunnah boleh merosakkan iman (Abdul samad t.t). Kajian mendalam dan penelitian yang halus mestilah dilakukan sebelum mempertikaian kandungan amalan tariqah itu sendiri.

Walaupun amalan-amalan tariqah telah sempurna dizaman Baginda SAW dan para sahabat RA samaada yang bersifat khusus atau umum tetapi kebanyakannya masih bersifat umum dan mempunyai makna yang luas. Disebalik phenomena tersebut mempunyai hikmah yang tersirat dan rahmat kepada generasi umat Islam yang berikutnya sebagai keluasan beramal dalam tariqah menuju kepada Allah yang bernadikan Shariat dan berpaksikan ketawhidan kepada Allah kerana keadaan mereka yang mempunyai tahap keupayaan , persediaan, bakat dan hal ehwal yang berbeza-beza dari segi aspek rohani, mental dan fizikal.

Peranan dan tujuan tariqah

Amalan tariqah dalam Islam mempunyai peranan dan objektif yang jelas, diantaranya ialah:

- a. Memelihara diri dengan sifat insaniyyah supaya dapat mencapai setinggi-tinggi rasa kehambaan (ubudiyah) kepada Allah dan sebenar-benar KhalifahNya di muka bumi ini dengan senantiasa menjunjung segala perintah Nya dan menjauhi segala Larangan-Nya dengan hati yang Ikhlas.
- b. Menyucikan hati daripada segala sifat mazamumah seperti takabur, Riya' dan sebagainya serta menghiasai diri dengan sifat mahmudah seperti ikhlas, sabar, takut dan muraqabah melalui jalan tarbiyyah dari Syaikh murshid, riyadah yang bersungguh-sungguh dan mujahadah yang berterusan seperti yang telah disusun dalam amalan tariqah. Malahan sifat-sifat mazmudah tersebut merupakan penyakit yang boleh merosakan amal Ibadah.
- c. Melatih diri untuk senantiasa ingat kepada Allah melalui tarbiyyah guru , mujahadah dan riyadah amalan shariat yang bersungguh berpaksi tawhid dan bersendikan shariat dan sunnah nabi SAW dan pengamalan zikir, wirid , hizib, muraqabah dan tafakkur secara istiqamah. Natijah dari sentiasa berzikir kepada Allah menjadikan diri mudah dan suka beramal soleh seperti yang telah dituntut dalam shariat Islam sehingga diri tidak merasa berat dan susah dalam melaksanakanya dan merasa amat berat untuk meninggalkanya
- d. Dapat menyelamai secara zawqiyah rahsia-rahsia pengamalan shariat dan mendalami keimanan, penghayatan kehalusan makna tawhid dan ma'rifah sebenar kepada Allah SWT yang bersih daripada sebarang unsur syirik samaada yang tersembunyi (khafi) atau nyata (jali).
- e. Membangunkan dunia dengan amalan syarat melalui hati yang bersih dan saling tolong menolong dalam menyempurnakan perintah agama.

Ciri-ciri tariqah

1. Mestilah ada Shaykh yang mencapai maqam tarbiyyah dan murshid serta mendapat keizinan dari Shaikh sebelumnya untuk mengajar dan mendidik.
2. Mempunyai murid yang menuntut atau dipanggil salik , muftadi'
3. Silsilah Shaikh kepada mashaikh yang bersambung kepada Rasulullah SAW
4. Amalan-amalan rutin, adab-adab dan syarat-syarat tertentu seperti zikir, wirid, hizib dan lain-lain lagi
5. Mempunyai tempat suluk, ribat, zawiyah
6. Khirqah

Keperluan tariqah sufiyyah

Keperluan bertariqah boleh dilihat justifikasinya melalui berapa sudut pandangan dan dalil-dali sharak

1. Suruhan berzikir serta disusuli tegahan dan ancaman lupa kepada Allah

Dari sudut pengamalan tariqah yang nadinya zikrulah, maka didapati dalam Al-Qur'an banyak ayat secara berulang-ulang dalam bentuk suruhan menyuruh berzikir dan disertai pula dengan amaran, tegahan serta ancaman kerana lupa kepada Allah.

2. Tuntutan bertanya kepada ahli zikir

Oleh kerana tuntutan berzikir dalam Al-Qur'an bersifat umum. Maka kita diperintahkan untuk bertanya kepada Ahli Zikir yang mengetahui kayfiyyat-kaiyfiyyat berzikir dengan betul dan selari dengan sunnah Rasulullah SAW seperti yang diambil oleh para Mashaikah dari guru-guru mereka yang bersambung dengan Rasulullah SAW(al-Nahl: 43) Dengan bertanya kepada ahli zikir, maka tuntutan berzikir dapat diamalan dengan betul mengikut sunnah Nabi SAW.

3. Tuntutan penyucian hati atau nafsu (*tazkiyyah al-nafs*) dari sifat-sifat mazmumah dan berkelakuan dengan sifat-sifat mahmudah

Ahli Zikir juga dikenali sebagai shaikh mushid yang berperanan menunjuk jalan menyucikan hati dengan jalan zikir Allah daripada sifat-sifat mazmumah dan berkelakuan dengan sifat-sifat mahmudah. Muhammad Amin al-Kurdi berpendapat jika seseorang itu tidak menemui Shaikh murshid yang boleh mengajar ilmu tariqah dalam negerinya, maka wajiblah seseorang itu musafir ke negeri yang diketahui ada shaikh murshid yang boleh membimbing dan mengluarkannya daripada sifat-sifat mazmumah dan berakhlak dengan sifat mahmudah (al-Kurdi 1994).

Imam Al-Ghazzali mengatakan wajib mempelajari ilmu tasawwuf kerana tiada seorang pun dapat selamat daripada penyakit rohani seperti riya', takabur dan lain-lain melainkan para Nabi dan Rasul S.A.A. Maka dapat difahami jalan bahawa tiada cara untuk menyucikan hati melainkan dengan mengambil amalan tariqah dibawah pimpinan guru murshid. Hal ini jelas daripada kelakuan-kelakuan ulama seperti Imam al-Ghazzali sendiri yang berguru dengan Abu ali al-Farmadhi, , Shaykh Izzuddin Abd salam berguru dengan Imam Abu Hasan al-Shazaili, Shaikh Abdul Wahab al-Sha'arani berguru dengan Ali al-Khawwas (al-Sha'rani t.t)

4. Tuntutan mencari wasilah

Dalam menyempurnakan dan menghayati pegertian Ihsan, memerlukan wasilah.. Allah telah memerintah orang beriman mengambil wasilah (al-Maidah 35). Dalam kaedah

Muhammad Khairi Mahyuddin, *at.all. Tasawwuf Ahl As-Sunnah ...*

Qawaid al-Fiqhiyyah, menyebut tidak sempurna sesuatu kewajipan melainkan dengan wasilah yang boleh menyempurnakannya, maka wasilah yang mampu mencapai kesempurnaan amalan wajib tadi menjadi wajib juga dituntut. Jadi mempelajari dan mengamalkan tariqah adalah wajib untuk menyempurnakan tuntutan Ihsan. Jika ada orang mendakwa bertasawwuf tanpa bertariqah, dakwaan tersebut adalah kosong kerana tanpa mempelajari ilmu tariqah seseorang itu tidak mampu mengetahui cara-cara berzikir dan mengamalkan intipati suruhan agama dengan sempurna dan jelas.

5. Tuntutan menunaikan perjanjian (*al'ahd wa al-mithaq*) dengan Allah Ta'ala

Dalam Al-Qur'an telah disebut berkali-kali menegenai perjanjian yang telah dimaterai dengan Allah Ta'ala sejak manusia berada di alam ruh lagi (al-A'raf 172) iaitu untuk sentiasa berada dalam ketawhidan yang bersih melalui *shuhud ma'rifah* dan ketaatan kepada shariat Islam. Untuk membolehkan manusia menunaikan perjanjian tersebut, maka Allah telah mengutuskan bersiri-siri para Nabi dan Rasul SAA, dan kitab-kitab sebagai peringatan dan panduan untuk taat kepada Shariat Allah. Sebab itulah Allah memuji para Mashaikh tariqah yang memperingati para salik untuk menunaikan perjanjian taat setia kepada Allah. Hal ini kerana semasa di alam arwah manusia telah berikrar untuk mentawhidkan Allah dan taat kepadaNya tetapi setelah mereka lahir didunia, mereka telah lupa kerana terhibab dengan alam dunia ini dan perhiasannya.

Kesimpulan

Sejarah kemunculan tasawwuf dan amalan tariqah adalah jelas bersumber Al-Qur'an dan Sunnah dan diterima oleh ulama Ahl al-Sunnah wa al-Jamaah . Ia telah menjadi satu institusi kerohanian Islam yang tersusun melalui perkembangan ilmu oleh para ulama Islam. Ia merupakan sendi utama kekuatan akidah dan shariat Islam yang mendidik manusia mengenal Allah dan tanggungjawab sebagai khalifahNya.

Rujukan

Al-Qur'an

Abd al-Samad al-Falimbangi[t.t]. *Sayr al-Salikin*. Maktabah wa Matba^cah Muhammad al-Nahdi wa Auladah: Thailand.

Aba, Imran.1980 Sekitar Tariqat Naqsyabandiyah. Jakarta: Menara Kudus

Al-Kurdi, Muhammad Amin 1994. Tanwir al-Qulub fi mu'a, malah 'allam al-quyub. Bayrut: Dar Fikr

Jurnal Ushuluddin Adab dan Dakwah.(2019) Vol. 2 (2), 159 - 169

Al-Jurjani Ali Muhammad. 1985 .al Ta'rifat .Bayrut: Dar al-Kutub al Arabi

Jahid Sidek. (1997). *Shaykh dalam ʿilm Tariqah*. Kuala Lumpur: Universiti Malaya.

Al-Mujam al-wasit [t.t]. al-Qahirah: t.p

al-Sha' rani, ʿAbd al-Wahhab Ahmad. [t.t]. *Al-Tabaqat al-Kubra al-Musamma bi Lawaqih al-Anwar fi al-Tabaqat al-Akhyar*. Bayrut: Dar al-Fikr

al-Nubhani Yusuf Ismail 2005 Hujjat Allah ʿala al-ʿalamin fi mu;jizat sayyid al-mursaliin. Baurut: Dar al-Kutub al-Ilmiyyah

al-Sha' rani, ʿAbd al-Wahhab Ahmad [t.t]. *Lataif al-Minan wa al-Akhlaq fi wujub al-Tahadduth bi niʿmah Allah ʿala al-Itlaq*. Bayrut: Alam al-Fikr.

Al-Qaylubi, Abd Rabbuh Sulaiman.2002. Fayd al-Wahhab fi Bayan Ahl al-Haq wa Man Dalla an al-sawab. Misr: Maktabah Qahirah

Wan Sulaiman Wan Sidik. 1352H. *Mizan al-Uqala' wa al-Udaba' Iaitu Pada Menyatakan Makna Shari'ah, Tariqah, Haqiqah, dan Ma'rifah*. Penang Matba'ah United dato Keramat Road

Wan Sulaiman Wan Sidik .1335H. *Fakihah Janiyyah fi Bayan Ma'rifah al-Ilahiyyah al-Mutabaqah Li'ain Al-Shari'ah al-ʿAliyyah*. n.p .n.p

Al-Zubaydi, Muhammad Muhammad [t.t]. *Ittihaf al-sadat al-muttaqian bi sharh ihya' ulum al-din*. Bayrut: Dar al-Fikr